

# “ҮСИМЛИКЛАР ҲИМОЯСИ” ТҮПЛАМИ

ИССИҚХОНА ЭКИНЛАРИ ЗАРАРЛИ  
ОРГАНИЗМЛАРИГА ҚАРШИ КУРАШ

9-китоб





**Ҳар бир амалий иш асосига  
илем-фанни қўйишимиз керак.  
Ш. МИРЗИЁЕВ**

## **ХУРМАТЛИ ДЕҲҚОНЛАР ВА ТАДБИРКОРЛАР!**

Ўзбекистон Республикаси Президентининг 2021 йил 15 июлдаги “Республикада ўсимликлар карантини ва ҳимояси тизимини тубдан та-комиллаштириш чора-тадбирлари тўғрисида”ги ПФ-6262-сон Фармонида ўсимликларни ҳимоя қилиш соҳасини ривожлантириш бўйича аниқ вазифалар белгилаб берилган.

“Агробанк” АТБ мамлакатимизда қишлоқ хўжалиги соҳасининг барқарор ривожланишига ҳисса қўшиш учун молиявий ва ижтимоий лойиҳалар билан соҳага сармоя киритишга катта эътибор қаратмоқда.

2021 йилда ривожланган давлатлар қишлоқ хўжалигида эришилган ютуқлар ҳамда тажрибалар асосида соҳанинг етук мутахассислари, олимлар билан ҳамкорликда фермерлар ва аҳоли учун 100 китобдан иборат қўлланмалар тўпламини тайёрлаган эдик.

Бугунги кунда ўсимликлар ҳимояси соҳасини самарали ташкил этиш, ҳосилдорлик, озиқ-овқат маҳсулотлари сифати ва хавфсизлигини таъминлаш, экспорт ҳажмини ошириш жуда муҳим аҳамиятга эга.

Шуни инобатга олиб, банкнинг “Agrobooks” бренди асосида ўсимликларни ҳимоя қилиш соҳасини илмий қўллаб-куватлаш мақсадида ушбу 40 китобдан иборат “Ўсимликлар ҳимояси” тўплами тайёрланди.

Тўпламда қишлоқ хўжалиги соҳаси, жумладан, мева-сабзавот ва полиз экинлари, ғаллачилик каби тармоқларнинг юртимида эришилган кенг қамровли илмий ҳамда амалий, шунингдек, заараркунандаларга қарши кураш чоралари бўйича маълумотлар берилган.

Умид қиласизки, ушбу қўлланмалар тўплами Сиз – дехқонлар, чорвадорлар ва тадбиркорларимиз учун фойдали бўлади.

Ҳосилингиз мўл-кўл, даромадингиз баракали бўлсин!

**Рустам МАМАТКУЛОВ,  
“Агробанк” АТБ Бошқарув раиси**

И 78  
КБК 42.34  
УЎК 631.236:632.935

## ЛОЙИХА ФОЯСИ МУАЛЛИФИ ВА ТАШКИЛОТЧИ “АГРОБАНК” АТБ

### Тузувчилар:

Б.А. Сулаймонов – Тошкент давлат аграр университети “Ўсимликларни ҳимоя қилиш” кафедраси б.ф.д., академиги;

Р.А. Жумаев – Тошкент давлат аграр университети “Ўсимликларни ҳимоя қилиш” кафедраси, профессори қ.х.ф.д.;

М.И. Уразметов – Ўсимликлар карантини ва ҳимояси илмий-тадқиқот институти мустақил тадқиқотчи;

А.С. Гозибеков – Тошкент давлат аграр университети “Ўсимликларни ҳимоя қилиш” кафедраси таянч докторанти.

### Тақризчилар:

Х.Х. Кимсанбоев – Тошкент давлат аграр университети “Ўсимликларни ҳимоя қилиш” кафедраси, профессори б.ф.д.;

А.Р. Анорбоев – Ўсимликлар карантини ва ҳимояси илмий-тадқиқот институти директори, профессор, қ.х.ф.д.

### Лойиха иштирокчилари:

М.С. Ҳайитбоев, Ш.М. Дадаҳўжаев.

### Мұхаррір

И. Боқиева – “Агрокимё ҳимоя ва ўсимликлар карантини” журнали директори.

Ушбу қўлланма “Агробанк” АТБ муассислигига тайёрланди ҳамда нашр этирилди. Билдирилган фикр-мулоҳаза, хуоса ва тавсияларга тузувчи муаллифлар масъулдир.

Қўлланма соҳа мутахассислари, фермерлар ва кенг жамоатчилик учун мўлжалланган.

### Ушбу қўлланма “Агробанк” АТБ тухфасидир

## МУНДАРИЖА

<b>Кириш .....</b>	6
<b>I БОБ. Иссиқхона экинларининг сўрувчи зааркунандалари .....</b>	8
<b>II БОБ. Иссиқхона экинларининг кемирувчи зааркунандалари .....</b>	16
<b>III БОБ. Помидор экинлари касалликлари ва уларга қарши кураш чоралари.....</b>	21
III. 1. Помидорнинг фузариоз сўлиш касаллиги.....	21
III. 2. Помидорнинг фитофтороз <i>Phytophthora infestans</i> .....	22
III. 3. Помидор вертициллёз сўлиши (вертициллёз вилт) .....	24
III. 4. Помидор кладоспориози ( <i>Cladosporium fulvum</i> ).....	26
III. 5. Помидорнинг ун-шудринг касаллиги.....	28
III. 6. Бодрингнинг ун-шудринг касаллиги .....	29
III. 7. Сохта ун-шудринг (пероноспороз) .....	31
<b>Фойдаланилган адабиётлар.....</b>	33

## КИРИШ

Кейинги йилларда сабзавот экинлари майдонининг кенгайиши, республикамизда қишлоқ хўжалиги экинларини жойлаштириш структурасида рўй берган ўзгаришлар ҳамда баъзи бошқа омиллар йиллар мобайнида озиқланиш занжиридаги организмлар орасидаги ўзаро муносабатлар ва боғлиқликларнинг бузилишига, заарарли организмлар тур таркибининг ўзгаришига, илгари ҳосилдорликка таъсири кам бўлган турлар заарининг ошишига сабаб бўлмоқда.

“Ўзбекистон Республикаси Президентининг Ўзбекистон Республикаси қишлоқ хўжалигини ривожлантиришнинг 2020–2030 йилларга мўлжалланган стратегиясини тасдиқлаш тўғрисида”ги ПФ-5853-сон Фармонига асосан замонавий иссиқхоналарни ривожлантириш ва экин сифатини назорат қилиш, турли заараркунанда ва касалликлардан ҳимоя қилишда замонавий усуллардан фойдаланиш ва экспортбоп маҳсулот тайёрлашга доир масалалар киритилган.

Республикада 2020 йилда қишлоқ хўжалигини интенсивлашва илфор технологияларни жорий қилиш асосида қишлоқ хўжалик маҳсулотларидан бошоқли дон ишлаб чиқаришни 16,4%, картошкани 35%, сабзавотларни 30%, мева ва узумни 21,5% га орттириш режалаштирилган. Бу вазифаларни амалга оширишда қишлоқ хўжалик экинларининг ҳосил миқдори ва сифатига салбий таъсир кўрсатадиган касаллик ва ҳашаротларга қарши кураш чораларининг илмий асосларини яратиш долзарб вазифа ҳисобланади.

Иссиқхона ўсимликлари ҳосилдорлигини ошириш учун тупроқ намлигини сақлаш, биологик ва минерал ўғитларни қўллаш, самарали пестицидларни аниқлашдан иборат.

Иссиқхона ўсимликларининг ҳосили йилига касаллик ва заараркунандалар таъсирида 20–30% гача нобуд бўлади.

Мамлакатда мева-сабзавот маҳсулотлари етиштириш ва экспорт қилиш ҳажмини кўпайтириш, ер ва сув ресурсларидан фойдаланиш самарадорлигини ошириш, қишлоқ хўжалигига инновацион

технологияларни жорий этиш бўйича чора-тадбирлар амалга оширилмоқда.

Шу билан бирга, ҳақиқий аҳвол таҳлили мева-сабзавот маҳсулотларини этиштириш ва хорижий давлатларга экспорт қилишда иссиқхона хўжаликларининг салоҳиятидан тўлақонли фойдаланишга тўсқинлик қилаётган муаммолар сақланиб қолаётганидан далолат бермоқда.

Иссиқхона экинларини бир неча турдаги зааркунандалар зарраблаб, ҳосил миқдорини камайтириб, уларнинг сифатини бузмоқда. Бундай сўрувчи зааркунандаларга помидор занг канаси (*Aculops lycopersici* Massee), ўргимчакканা (*Tetranychus urticae* Koch.), иссиқхона оққаноти (*Trialeurodes vaporariorum* West) ва ўсимлик битлари (*Aphididae*) кириб, улар сабзавот экинларига жиддий зарар етказиб келмоқда.

## I БОБ. ИССИҚХОНА ЭКИНЛАРИНИНГ СҮРУВЧИ ЗАРАРКУНАНДАЛАРИ

**Помидор занг канаси** – *Aculops lycopersici* каналар (*Acari*) туркумининг тўрт оёқли каналар *Eriophyidae* оиласига мансубдир. Каналарнинг кенг тарқалган тури бўлиб, улар асосан помидор кўчати билан тарқалиши мумкин. Бошқа масофаларга учадиган турли ҳашаротлар ва қушларнинг танасига ёпишиб тарқалади. 1980 йилларгача Ўзбекистонда бу кананинг зарари сезилмасди.

1990 йилларга келиб ушбу зааркунанданинг республикамизда тарқалган ареали деярли барча вилоятларни ўз ичига олди. Помидор занг канаси ҳозирги кунда помидор ва картошканинг энг асосий зааркундаларидан бирига айланган.

Помидор занг канаси таъсирида помидорнинг сифати ва қўриниши йўқолади, қисман чирий бошлайди. Каттиқ заарланган ўсимлик ҳосили 100% нобуд бўлади. Айниқса, июль-август ойларида помидор ва кечки картошка кўп талофат қўради.

Помидор занг канаси жуда майда, оддий кўз билан кўриб бўлмайдиган бўғимоёқли жонивор бўлиб, нимфаси 100 мк (микрон), етук зоти эса 135–160 мк келади. Ранги тиниқ сарфишгача. Танаси чўзиқ, цилиндрсимон, орқа учи торайиб, тукчалар билан якунланган, 2 жуфт оёқлари бор.

Ўтказилган маҳсус тадқиқотларимиздан маълум бўлишича, помидор занг канаси асосан помидор ва картошкада бемалол, тез ривожланади. Ундан кейинги ўринларни қора ва қизил итузум, қўйпечак ва бақлажон эгаллайди.

Кана ўсимлик баргларининг ҳам устки, ҳам остки тарафида кўпайиши мумкин. Даствор ўсимликнинг пастки барглари, новдалари заарланана бошлайди. У аста-секин юқорига тарқаб кетади. Заарланган новда қўнғир тусга эга бўлиб, силлиқлашади, баргларида эса сарик доғлар пайдо бўлиб, умумий туси қўнғир бўла бошлайди. Заарланган гул ва майда мева нишоналари ҳамда барглари қуриб

тўқилиб кетади, йирик меваларининг юзида тўр сингари расм пайдо бўлиб, тиришиб ёрилади.



**1-расм. Помидор занг канаси (*Aculops liciopersici*) зарари.**

**Кураш чоралари.** 1. Ўсимликларни бардошли, яъни бақувват қилиб ўстириш, улардаги бошқа зааркунандаларга (шира, колорадо қўнғизи) қарши ўз вақтида кураш олиб бориш, ҳосил йиғиширилгандан кейин ўсимлик қолдиқларини даладан олиб чиқиб ташлаб, ерни шудгорлаш ва қишида яхоб сувини бериш.

2. Кимёвий кураш сифатида қуйидаги акарицидлардан фойдаланиш мумкин: олtingугурт кукуни (15 кг/га), каратэ – 0,3 л/га, талстар – 0,5 л/га, неорон – 1 л/га, митак – 2 л/га, омайт – 1,5 л/га.

**Ўргимчаккана (*Tetranychus urticae* Koch.).** Ўргимчаккана ҳаммахўр зааркунанда ҳисобланиб, у 248 дан ортиқ ўсимликларни зарарлайди. Ўргимчаккана эрта тушганда ҳосилнинг 50% га яқини нобуд бўлиши мумкин.

Зааркунандага қарши кураш чораларини тўғри ташкил этиш учун унинг биологиясини яхши билиш лозим. Маълумки, ўргимчаккана оталанган урғочилик ҳолида қишлоанди. Ўргимчаккана қишлоандан баҳор ойи ҳавосига боғлиқ ҳолда турли муддатларда чиқиши мумкин. Ўргимчаккана қишлоандан  $12^{\circ}\text{C}$  дан кам бўлмаган ҳароратда чиқади. Бироқ бошқа олимлар ўргимчаккана учун энг пастки ҳарорат чегарасини  $10^{\circ}\text{C}$  деб ҳисоблайдилар.



**2-расм. Ўргимчаккана (*Tetranychus urticae* Koch.).**

Ўргимчаккана қишлоудан чиққандан кейин 7–8 кун ичида тұхум қүя бошлайды. Улар тухумларини асосан кенг баргли үсимликтарга, агар уларни тополмаса, ерга ҳам қўйиб ташлайдилар. Дастлаб ўргимчаккана бегона ўтларда ривожланиб, кейин маданий экинларга ўтади.

Ўргимчаккананинг ривожланишига об-ҳаво омиллари ва үсимлик баргларидаги физиологик ва морфологик ўзгаришлар катта таъсир этади. Ўргимчаккананинг ёппасига кўпайиши учун айрим олимлар фикрича  $26,6\text{--}29,8^{\circ}\text{C}$  ҳарорат ва 23–26,5% нисбий ҳаво намлигини қулай деб ҳисобланса, бошқа баъзи бирлари эса ўргимчаккананинг ёппасига кўпайиши учун  $29\text{--}31^{\circ}\text{C}$  ҳарорат, 35–55% нисбий ҳаво намлиги қулай деб ҳисблайдилар.

**Агротехник кураш:** алмашлаб экиш, қатор ораларига сифатли ишлов бериш; үсимликларни бардошли, яъни бақувват қилиб ўстириш, бошқа зааркундаларга (шира, колорадо қўнғизи) қарши ўз вақтида кураш олиб бориш, ҳосил йиғиширилгандан кейин үсимлик қолдиқларини тўплаб, даладан чиқариб ташлаб, ерни шудгорлаш, қишда яхоб сувини бериш.

**Биологик кураш:** олтинкўзнинг 3–4 кунлик тухумини зааркундана сонига қараб 1:10; 1:5 нисбатларда чиқариш;

**Кимёвий кураш:** Омайт 57% эм.к. (1,5 л/га); Нискоран 10% н.кук. (0,1 кг/га); Флумайт 20% сус.к. (0,2 л/га); Ортус 5% сус.к. (0,75 л/га); Вертижск 1,8% эм.к. (0,3–0,4 л/га) лардан бирини қўллаш тавсия этилади.

**Ўсимлиқ битлари (Aphididae).** Ўсимлиқ битлари (Aphididae) иссиқхоналардаги сабзавот экинларининг асосий зааркунандаларидан ҳисобланади. Адабиёт бўйича иссиқхоналарда 4 турдаги: *Aphis craccivora* Koch., *A.gossypii* Glow., *Myzodes persicae* Sulz. ўсимлиқ битлари учрайди.

Ўсимлиқ битлари баргларнинг ширасини сўради, бунинг оқибатида поя ва илдизлардаги углеводлар миқдори кескин камайиб кетади. Қаттиқ заарланган баргларнинг шакли ўзгаради ва буралиб қолади. Бундан ташқари, баргларда ҳосил бўлган шираларда сапрофит замбуруғлар ривожланиб, ўсимликлар ривожланишини сусайтиради, баъзи ҳолларда эса ўсимлиқ бутунлай қуриб ҳам қолади. Заарланган ўсимликлардаги ҳосил 30–51% гача камайиши мумкин.

Ўсимлиқ битлари чала ўзгариш йўли билан ривожланувчи ҳашарот бўлиб, бутун мавсум давомида тирик личинка туғиб кўпаяди. Фақат қишлишда тухумлик фазасида (полиз ёки ғўза битидан ташқари) бўлади. Бу зааркунандалар очиқ шароитда, бир йилда 26 марта гача насл беради. Ҳаво ҳароратига қараб битларининг бир авлоди ривожланиши учун 3–20 кун керак бўлади. Ҳар бир урғочи бит ўзҳаётида 150 тагача личинка туғади.



3-расм. Полиз бити (*Aphis gossypii* Glow.).

Битлар бегона ўтларда қишлийди. Эрта баҳорда улар тез кўпая бошлайди. Беда бити ғўзага апрель-май ойларида ўтиб, июнь ойининг охиригача у ерда ҳаёт кечиради. Полиз ва ғўза катта яшил битлари эса сабзавот ва полиз экинларида бегона ўтларда ривожланиб, иссиқхоналарда кўчат экилгандан сўнг учраб, айниқса, бодринг ўсимлигига катта иқтисодий зарар етказади.

**Биологик кураш чорлалари:** анор боғларида оддий ўргимчакканага қарши олтинкўз энтомофагини турли нисбатларда тарқатиш самараси юқори бўлади.

**Кимёвий кураш чоралари:** боғларда чанг кўтарилишини камайтириш ва дараҳтларни доимий сув билан таъминлаб туриш каналар тез кўпайишининг олдини олади. Куртаклар бўртиш вақтида минерал мойлар билан таркибида хлорпирифос, абамектин ёки диазинон бўлган воситаларни аралаштириб ишлов берилади. Вегетация даврида эса ҳар бир баргда 10 тадан ортиқ тирик кана топилса, таркибида абамектин, геситиазокс, спиротетрамат, амитрац, бифентрин ва пропаргит бўлган препаратлар билан ишлов берилади.

**Иссиқхона оққаноти (*Trialeurodes vaporariorum* Westw).** Олимларимизнинг маълумотларига қараганда иссиқхона оққаноти ғўза, помидор, бодринг, бақлажон, ловия, кунгабоқар, тамаки ва бошқа кўпгина экинларга зарар етказади.

Вояга етган ҳашарот танаси сарғиши рангли 1–1,5 мм узунликда бўлиб, икки жуфт унсимон оққанотидир. Тухуми овалсимон 0,24 мм узунликда бўлиб, дастлабки босқичда улар оч-сариқ тусли бўлади (4- расм).

Бошқа алеуродидларники сингари иссиқхона оққанотининг тухуми ҳам субстратга кичик поячаси билан ёпишади. Нимфаси 0,8 мм узунликда, япалоқ овалсимон маҳсус тукчалар билан қопланган. Оққанот чала ривожланувчи ҳашарот бўлиб, тухум 1–4 ёшли личинка, нимфа ва вояга етган ҳашарот фазаларини ўтайди. Тухумдан личинкаси чиққан япалоқ, кам ҳаракатчан бўлиб 3 жуфт оёқли ҳамда қизил кўзли бўлади.



**4-расм. Иссикхона оққаноти (*Trialeurodes vaporariorum* Westw.).**

Тухумдан янги чиққан личинка биринчи ёшда 0,3 мм бўлиб, дастлабки 15 соат давомида ўзи пишадиган қулай жой қидириб фаол ҳаракат қиласи кейин озиқланана бошлайди ва ҳаракатсиз бўлиб, мум қават билан қопланади, баргни сўра бошлагач ҳаракатсиз ҳаёт ке-чиради. Биринчи ёшидаги личинкалар юқори ҳарорат ва ҳавонинг намлиги паст бўлишига сезувчан бўлиб, бу фазанинг давомийлиги 4–6 кун бўлади.

Ҳаво ҳарорати 30°С бўлганда урғочилари 9–11 кун яшаса, эр-каклари улардан 2–3 марта кам муддат яшайдилар. Колонияда, одатда, оққанотнинг ҳамма ривожланиш фазаларида вакиллари мавжуд бўлади. Ўсимликни асосан личинкалари (ҳамма ёшида) заарлайди.

Личинкалардан ажralиб чиққан шира “ёпишқоқ модда” барглар ва меваларни ифлосланишига олиб келади. Бу ширада сапрофит замбуруғлар ривожланиб, барг ва меваларнинг усти қора қурум билан қопланади. Натижада фотосинтез жараёни сустлашиб, ҳатто ўсимлик нобуд бўлиши ҳам мумкин.

Иссиқхона оққаноти тропик тур бўлиб, асосан ҳимояланган майдонда эрта баҳордан кеч кузгача ривожланади. Ўзбекистон шароитида очиқ майдонда ҳам тарқалиб, итузумдошлар ва қовоқдошлар оиласи вакилларини кучли зарарлайди.

Ҳимояланган ва пана жойларда қишлоvdан чиқади. Грузия ва Ўзбекистон жанубидаги ўсимликлар қишида ҳам ўз вегетациясини давом эттирадиган шароитларда, очиқ майдонда ҳам бемалол қишлоvdан чиқа олади. Йил давомида 9–10 та авлод беради. Заараркунанда ҳаётий циклининг давомийлиги, тухум қўйиш даври, тухумининг кўп ёки оз қўйилиши, яшовчанилиги турли омилларга боғлиқ бўлади. Бу омиллар ичida асосийлари ҳарорат ва ҳавонинг нисбий намлиги ҳамда ўсимлик тури ҳисобланади.

**Кураш чоралари.** Алмашлаб экиш, қатор ораларига сифатли ишлов бериш, кўллатиб суформаслик.

**Механик:** оққанот сонини камайтириш мақсадида сариқ экранлардан фойдаланиш.

**Биологик:** энкарзия паразитини 1:20; 1:10; 1:5 нисбатда қўллаш.

**Кимёвий усул:** агарда оққанотларнинг миқдори кўп бўлса, қуидаги препаратлардан бирини қўллаш тавсия этилади: (Бупрофезин) апплоуд, саффлауд 25% н.кук.– 0,5 кг/га; (пирипрокси芬) адмирал 10% эм.к. – 0,5 л/га; (ацетамиприд) комилот, нестер, энтоспилан, моспилан 20% н.к. – 0,3 кг/га; (имидақлоприд) багира, вулкан, командор, конфидор 20% эм.к. – 0,3–0,4 л/га; препаратларнинг бирортаси билан ишлов бериш тавсия этилади.

**Тамаки трипси.** Ҳозирги кунда бодрингга трипс ҳам кўп зарар етказмоқда. Тамаки трипси майда ҳашарот бўлиб, бўйи 0,8–0,9 мм. Танаси чўзиқ, урғочисида узун, йирик, аррали тухум қўйичи бор. Етук ҳашаротнинг икки жуфт тор (чеккалари ҳошияли) қанотлари бор. Оғиз аппарати санчиб сўришга мослашган, калта. Трипснинг личинкаси имагосига қараганда очроқ тусли, кўзлари 3–4 та кўзчалардан иборат, мўйловлари бўғинли. Тамаки трипси ўсимлик қолдиқлари остида қишлиайди. Апрель–май ойларида трипс бегона ўтларда ривожланиб, кейин ғўзага ўтади. Урғочиси бир ой яшаб, шу вақт мобайнида ўсимлик тўқималарига 100 тагача тухум қўяди. Тухумлари-



**5-расм. Тамаки трипсининг бодринг ўсимлиги баргини заарлаши.**

Триплар бодрингнинг ёш баргларига ва ўсув нуқталарига жойлашиб олади. Заарланган баргларнинг остки қисми ўзига хос равишда кумушсимон рангда ялтираб қолади. Ўсимликнинг ўсишини 10–15 кунга кечиктиради.

**Агротехник кураш:** алмашлаб экишга амал қилиш ва қатор ораларига сифатли ишлов бериш.

**Кимёвий кураш чоралари:** имидаклоприд асосли Багира, Даклоприд, Имидо стар, Энтолучо препаратларидан бирини гектарига 0,2 литр; диметоат асосли Би-58 янги, Данадим эксперт, Голд БИ-58 препаратларидан бирини гектарига 2,0–2,5 литр; ацетамиприд асосли Моспилан голд, Моспилан стар, Энтосплан, Агроплан препаратларидан бирини гектарига 0,15–0,2 кг ҳисобида ишлов бериш тавсия этилади.

## II БОБ. ИССИҚХОНА ЭКИНЛАРИНИНГ КЕМИРУВЧИ ЗАРАРКУНАНДАЛАРИ

**Помидор куяси** – (*Tuta absoluta*) помидор ўсимлигининг ашаддий кушандаси бўлиб, экинларнинг меваси ва баргига жиддий заар етказади. Помидор куясининг ватани Жанубий Америка ҳисобланиб, Европа, Осиё ва МДҲ давлатларида ҳам учрайди.

Капалаги 10 мм бўлиб, ипсимон мўйловларга эга. Олд қанотларида қора доғлари бор. Тухуми цилиндрсимон сариқ ёки оқ-сариқ бўлиб, узунлиги 0,36 мм, эни 0,22 мм. Личинкасининг боши қорамтири бўлиб, ёруғ жойда яшил рангга айланади. Личинкаси умри давомида 4 та ёшни ўтайди.



6-расм. Помидор куяси (*Tuta absoluta*) билан заарланиши.

Ҳаво ҳарорати ва ташқи мұхит таъсирига қараб, ҳашаротнинг яшаш даври 29–38 күнни ташкил этади.

Помидор күяси заарлаган меваларни патоген микроорганизмлар чиритади. Барг тўқимасини заарлайди. Помидор ўсимлигини турли босқичларда, хусусан, кўчат босқичидан ҳосил етилиш пайтигача заарлайди.

**Кураш чоралари: Агротехник кураш чоралари.** Минтақамизнинг иқлим шароитидан келиб чиқиб, помидор экинининг ривожлашидан тўхтамасдан олдин ҳосилни йиғишишириб, олиб чиқиб кетиш. Зааркунандани далада қишлиаб қолишига йўл қўймаслик учун зарарланган пояларини даладан чиқариб, йўқ қилиш ҳамда ер майдонларини чукур ҳайдаш ва яхоб суви бериш каби агротехник тадбирлар ўtkазиш. Бу тадбирлар куянинг қишлоғга кетган ғумбакларини 50–70% гача нобуд қилади.

**Кимёвий кураш чоралари:** помидор күясига қарши қуйидаги дельтаметрин + триазофос лямбда – цигалот, диметоат таъсир этувчи моддалари бўлган препаратлар яхши самара беради.

**Ғўза тунлами** (*Heliothis armigera*). Кўсак қурти Ўзбекистоннинг барча вилоятларида учрайди ва 120 турдаги ўсимликларда озиқланиб, 20 хил экинга кучли заар етказади. Кўсак қурти қишлоқ хўжалиги экинларидан ғўза, помидор, маккажўхори ва бошқа кўпгина ўсимликларни, асосан, ҳосил органларига қуртлик босқичида зарар етказади.

Кўсак қурти кучли шикаст етказган майдонларда ҳосилнинг 70% ва ундан ортиқ қисми нобуд бўлиши мумкин. Кўсак қурти капалаклари қанотларини ёзганда 30–40 мм га етади. Танасининг узунлиги 12–20 мм га боради.

Танаси сариқ, кўкиш-сариқ ёки кулрангда бўлади. Олдинги қанотлари марказида юмалоқ, юқоририғида биттадан ловиясимон қора доғи бор. Орқа қанотлари ўртасида рангли ойсимон доғ мавжуд. Кўсак қурти тўлиқ ўзгарувчан ҳашарот. Тухуми гумбазсимон бўлиб, диаметри 0,5–0,7 мм, баландлиги 0,4–0,5 мм келади. Капалаклари тухумларини ғўзани ўсув нуқталарида, ёш баргларга ва ҳосил органларига якка-якка қилиб қўяди. Тухумлари аввал оқиш-кулранг, кейин эса қўнғир тусга киради.

Тухумдан 4–6 кунда оч-кўқ оқ бошли личинка чиқади. Кўп ўтмай унинг бош қисми қораяди ва танасининг ранги тўқлаша боради.

Заарланган гул, новда ва ёш тугунчалар тўкилиб кетади. Личинкалари озиқланиб бўлгач тупроқقا тушади ва 5–12 см чуқурликда ғумбакка айланади. Ғумбаги 17–21 мм бўлиб, оч пушти сариқдан қизғиши – жигарранггача ўзгаради.



**7-расм. Помидорнинг кўсак қурти (*Heliothis armigera*) билан зааррланиши.**

Кўсак қурти кузда озиқланган ўсимлик даласида тупроқни 10–15 см чуқурлигига ғумбак босқичида қишлиайди. Апрель-май ойларида тупроқ ҳарорати 16°C га етганда учиб чиқади. Тунламнинг бир авлоди ўртacha 30–40 кун яшайди. Ўзбекистонда кўсак қурти 1 йилда 3–4 марта авлод беради.

**Кимёвий курашда** бензофосфат 30% к.э. – 1,7–2,3 л/га; каратэ 5% к.э. – 0,5 л/га; фьюри 10% к.э. – 0,3 л/га; моспилан 20% н.к. – 0,3 кг/га ва бошқа шу каби Ўзбекистонда ишлатишга руҳсат этилган ва кузги тунламга тавсия қилинган пестицидлардан бири билан ишлов бериш зарур.

**Кузги тунлам** (*Agrotis segetum*) Республикаизнинг барча вилоятларида қишлоқ хўжалик экинлари ва ёввойи ўсимликларнинг юздан ортиқ турига қуртлик босқичида зарар етказади. Кузги тунлам капалагининг катталиги қанотларини ёзганда 40 мм гача боради.

Олдинги қанотлари сарғиш-кулрангда бўлиб, асосига яқин қорамтири доғи, марказида юмалоқ, ундан юқорироқда буйраксимон доғлари мавжуд. Орқа қанотлари томирли оқ тусда. Тухуми оқимтири, 0,65 мм бўлиб, шакли гумбазсимон, 16–20 қобирғали. Қуртлари даставвал 0,5 мм ча бўлиб, бешинчи ёшига бориб 50 мм гача етади. Фумбаги 15–20 мм, оч қўнғир рангда бўлади.



8-расм. Кузги тунлам (*Agrotis segetum*).

**Кураш чоралари:** Агротехник тадбирлар – ерни кузда (икки ярусли плуг билан) чуқур шудгорлаш; эрта баҳорда бегона ўтларга қарши курашиш; сифатли суфориш, алмашлаб экиш.

**Биологик усул:** ҳар бир авлодига қарши ҳар 2 гектар экин майдонига 1 донадан ўрнатилган феромон тутқич (ФТ) ёрдамида капалаклари учиш муддатини аниқлаб, 1 кечада ҳар бир тутқичга ўртacha 2–3 та капалак туша бошласа, 3 кундан сўнг ҳар гектар майдонга 1 – 1,5 грамм ҳисобидан 100 та нуқтага (10x10 м) 5 кун оралатиб 3 марта тухумхўр-трихограмма чиқариш (бу картошка ниҳолларининг униб чиқа бошлаш даврига тўғри келади); ўрта ва катта ёшдаги қуртларига қарши 1:20; 1:10; 1:5 нисбатларда 5 кун оралатиб 3 марта бракон чиқариш.

**Кимёвий усул:** агар ҳар 1 м<sup>2</sup> да қурт сони ўртacha 1–1,5 донага етса, куйидаги препаратлардан бирини ишлатиш: кинмекс, 5% эм.к. –

0,6 л/га; вантекс, 6% сус.к. – 0,25–0,3 л/га; децис (делцис), 2,5% эм.к. – 0,7 л/га; куракрон, 50% эм.к. – 1,2 л/га; политрин-К, 31,5% эм.к. – 1,0 л/га ҳисобида пуркаш. Ишчи суюқлиги сарфи гектарига 300 литр. Юқорида таъкидланганидек, ушбу препаратларни албатта кечқурун қоронғы тушганда сепилса яхши самара беради.

## III БОБ. ПОМИДОР ЭКИНЛАРИ КАСАЛЛИКЛАРИ ВА УЛАРГА ҚАРШИ КУРАШ ЧОРАЛАРИ

### III.1. ПОМИДОРНИНГ ФУЗАРИОЗ СҮЛИШ КАСАЛЛИГИ

Помидорнинг фузариоз сўлиш касаллиги (фузариоз вилт) помидорнинг пастки барглари, кўпинча бир томондан сарғайиши ва ўсимликлар сўлғин бўлиб қолишидан бошланади. Сўлиган барглар қурийди, бироқ тушмасдан, новдаларда осилиб қолади. Новдалар ҳам ўсимликнинг бир томонида сўлиши мумкин, кейинчалик бутун ўсимлик сўлади.

Новдалар устида сариқ чизиқчалар пайдо бўлади. Заарланган ўсимликлар сўлишдан олдин заифлашади ва бўйи жуда паст бўлиб қолади. Помидор сўлишининг сабаби – ўтказувчи тўқималар замбуруғ мицелийси билан тўлиб қолиши ҳамда ўсимлик замбуруғ чиқарган токсинлари билан заҳарланишидир. Поя қия кесилса, ўтказувчи тўқималар қўнғир тус олгани – кучли доғланиш кузатилади. Вилт ўсимликнинг пастки қисмидан юқори ярусларига тарқалиши билан бирга, ўтказувчи тўқималардаги кучли доғланиш ҳам шу йўналишда, тупроқ сатҳидан (илдиз бўғзидан) ўсимлик тепасигача тарқалади (илдиз чириш билан заарланган ўсимликлардаги доғлар илдиз бўғзидан фақат 10–15 см баландликкача кўтарилади). Оғир тупроқларда касаллик жуда тез тарқалади. Замбуруғ иссиқсевар организм, у ўсимликларни тупроқ ҳарорати 21–33°C, оптимум 28°C бўлганида кучли зааррлайди. Ортиқча азотли ўғит бериш касалликни янада кучайтиради. Қўзғатувчи ўсимлик тўқималарига томирлари орқали киради, заарланган помидор ўсимликларининг илдиз бўғзидан пушти моғор кўриниши мумкин. Замбуруғнинг хламидоспоралари тупроқда 11 йилгача сақланиши, қўзғатувчи уруғ орқали ҳам ўтиши мумкин.



**9-расм. Помидорнинг фузариоз сўлиш касаллигига учраган ҳолати.**

**Кураш чоралари.** Тупроқни илдиз етган чуқурликкача, одатда 25 см гача, заарсизлантириш мухим аҳамиятга эга. Энг самарали усул – буғ билан заарсизлантиришdir. Фузариоз сўлишнинг жуда кучли ривожланиши кузатиладиган минтақаларда заарсизлантирилган тупроқقا чидамли навларни ёки пайванд қилинган помидор кўчатларини экиш тавсия қилинади. Уруғликни самарали фунгицидлардан бири билан дорилаш, алмашлаб экиш, ўсимлик қолдиқларини йўқотиш, экин яхши ўсиши ва ривожланиши учун зарур агротехника қоидаларига риоя қилиш, ўсимликларнинг қўшимча томирлари ривожланиши учун тупроқ устига мульча солиш, касал кўчат ва ўсимликларни юлиб олиб ташлаш, ортиқча азотли ўғит бермаслик, сўлишга чидамли навларни экиш – тупроқни заарсизлантиришга қўшимча кураш чоралари деб ҳисобланади.

### **III.2. ПОМИДОРНИНГ ФИТОФТОРОЗ PHYTOPHTHORA INFESTANS КАСАЛЛИГИ**

**Помидорнинг фитофтороз *Phytophthora infestans* касаллиги** оомицет замбуруғи қўзғатади. Кейинги йилларда помидор фитофто-

рози Ўзбекистонда иссиқхоналарда кенг тарқалган касалликка айланди. Салқин ва нам (ёмғирли, шабнамли) об-ҳавода помидор меваларининг 60–70 фоизи заарланиши мумкин. Касаллик ўсимликлар гуллаш пайтида бошланади. Барг бандлари пастга букилади ва барглар осилиб қолади; баргларнинг устида қайноқ сувга куйганга ўхшаш доғлар пайдо бўлиб, улар сўнгра қўнғир ёки тўқ қўнғир тус олади, кейинчалик барг тўқимаси бироз оқариб, юпқа қофозсимон бўлиб қолади. Нам об-ҳавода барглар остидаги доғлар атрофида майнин, юпқа, оқиш мөғор қатлами пайдо бўлади. Юқори намлик ва илиқ ҳароратда барглар бутунлай чириши ва деярли барча ўсимликлар ҳалок бўлиши мумкин. Тўпгуллар заарланганида гулбандлар ва косачабарглари қораяди ва қуриб қолади. Заарланган новдаларда узунчоқ ёки ўзгарувчан шаклли, қизғиши-қўнғир доғлар ривожланади, новда ва барглар куйганга ўхшаб қолади. Мевалар устида қаттиқ, нотўғри шаклли, қўнғир тусли, усти бироз ғадир-будур доғлар ва яралар пайдо бўлади. Бундай мевалар иккиламчи микроорганизмлар таъсирида тезда бутунлай чирийди. Касаллик ривожланиши учун юқори намлик (ёмғир, шабнам) ва салқин ҳарорат ( $10\text{--}25^{\circ}\text{C}$ ) қулай шароит ҳисобланади.



**10-расм. Помидорнинг фитофтороз сўлиш касаллигига учраган ҳолати.**

Замбуруғ очиқ далаларда тупроқ устида ўсимлиқ қолдиқларида ва итузумдошлар оиласига мансуб бегона ўтларда қышлайды. Касаллик экинга құшни далалардаги картошка ва помидордан ҳам тарқалади. Күчтіхоналарда касаллик пайдо бўлиши жуда хавфли; юқори ҳароратда касаллик белгилари юзага чиқмаслиги мумкин, улар очиқ далага кўчириб экилгач, фитофтороз ўчоқларини пайдо қиласади. Далада помидорда фитофтороз картошкада пайдо бўлишидан олдин кузатилади. Кўзғатувчи замбуруғнинг ҳар хил ирқлари мавжуд ва помидор навлари улар билан ҳар хил даражада заарланади. Кўзғатувчининг белгилари ва кураш чоралари “Картошка фитофторози” бўлимидаги келтирилган.

**Агротехник кураш:** чидамли ва/ёки толерант навлар яратиш ва қўллаш; жўякларни баланд қилиш; экишдан олдин уруғни самарали уруғ дорилагичи билан дорилаш; алмашлаб экиш; олдинги йили помидор экилган далаларга экмаслик; бошқа картошка ва помидор экинларидан узокроқдаги далаларга экиш; экин ичида шамол яхши юришини таъминлаш (ортиқча шохларини ўз вақтида буташ, вентиляция); азотли ўғитларнинг тавсиядаги минимал миқдорларини бериш (булар, айниқса нитратли шакллари, касаллик кучли ривожланишига олиб келади);

**Кимёвий кураш:** Квадрис 25% сус.к. (т.э.м. азоксистробин) (0,4–0,6 л/га), Ридомил Голд 68% н.кук. (т.э.м. металаксил + манкоцеб) (2,5 кг/га), Превикур 60,7% с.э. (т.э.м. пропамокарб гидрохлорид) (1,5 л/га) тавсия этилади.

### III.3. ПОМИДОР ВЕРТИЦИЛЛЁЗ СЎЛИШИ (ВЕРТИЦИЛЛЁЗ ВИЛТ)

**Помидор вертициллёз сўлиши (вертициллёз вилт)** иссиқхоналар ва очиқ далаларда учрайди. Уни камроқ *Verticillium dahliae* ва кўпроқ *V.albo-atrum* гифомицет замбуруғлари кўзғатади. Бу касаллик Марказий Осиёда фузариоз вилтга нисбатан анча кам тарқалган, чунки у салқин ҳавони ёқтиради. У мевалаш пайтида бошланади. Ўсимликтин пастки баргларида (кўпинча бир томонида) рангиз, кейин сариқ ва ниҳоят қўнғир тус оловчи, қизғиши ҳошияли доғлар пайдо бўлади ва барглар сўлий бошлайди.



**11- расм. Помидор вертициллёз сўлиши (вертициллёз вилт).**

Ўғит бериб суғорилса ҳам касалланган ўсимликлар ўсиш ва ривожланишдан тўхтайди. Поянинг пастки қисми қия кесилса, ўтказувчи тўқималарнинг сарғиши-қўнғир тус олгани ва қўнғир доғлар мавжудлигига гувоҳ бўламиз. Бундай доғлар тупроқ сатҳидан (илдиз бўғзидан) тепага қараб 1 метр ва ундан ҳам кўпроққа тарқалади. Салқин ҳавода касаллик кучаяди, доғланиш поя тепасигача етади. Об-ҳаво билан боғлик ҳолда, вилтнинг биринчи белгилари кўрининши билан ўсимлик сўлиши орасида 3–4 ҳафта ўтади. Ҳаво ҳарорати  $25^{\circ}\text{C}$  ёки юқоририоқ бўлса, касаллик ривожланишдан тўхтайди.

**Агротехник кураш:** иссиқхонада тупроқни 25 см гача буғ билан зарарсизлантириш муҳим аҳамиятга эга. Яна ширата ўта самарали метод – иссиқхонада 3 кун давомида  $25^{\circ}\text{C}$  дан юқори ҳарорат бўлиши таъминланса, касаллик ривожланмайди, ҳарорат кейинчалик пасайса ҳам вилтнинг ривожланиши кескин камаяди; агар бунинг иложи бўлмаса, кундузлари мева туғиш бошлангунигача  $18\text{--}22^{\circ}\text{C}$ , мева туғиш пайтида  $20\text{--}22^{\circ}\text{C}$ , кечалари  $15\text{--}16^{\circ}\text{C}$  ҳароратни таъминлаш лозим.

**Кимёвий кураш:** Квадрис 25% сус.к. (т.э.м. азоксистробин) (0,4–0,6 л/га), Ридомил Голд 68% н.кук. (т.э.м. металаксил + манкоцеб) (2,5 кг/га), Превикур 60,7% с.э. (т.э.м. пропамокарб гидрохлорид) (1,5 л/га) тавсия этилади.

### III.4. ПОМИДОР КЛАДОСПОРИОЗИ (CLADOSPORIUM FULVUM)

**Помидор кладоспориози (Cladosporium fulvum)** (қўнғир доғланиш, барг моғори) касаллигини Cladosporium fulvum гифомицет замбуруғи қўзғатади. Кладиоспориоз бутун дунёда тарқалган ва у иссиқхоналарда помидорнинг асосий касалликларидан биридир. Очик далаларда камроқ учрайди. Ўзбекистоннинг жанубида иссиқхоналарда помидорнинг энг кенг тарқалган ва хавфли касаллиги ҳисобланади. Касалликнинг кучли эпифитотиялари баъзан очик далаларда ҳам ривожланади.

Касаллик помидорнинг гуллаш-мева туғиши пайтларида бошланади ва асосан баргларини заарлайди. Унинг биринчи белгилари – пастки барглар устида сариқ ёки оч яшил, барглар остида эса (ўша доғларнинг тагида) рангиз, сарфиш ёки оч қўнғир доғлар пайдо бўлишидир (5 ва 6-расмлар). Барг остидаги доғлар яшил-қўнғир (ёки кулранг-қўнғир) тусли майнин моғор билан қопланади. Касаллик тезда тепа ярус баргларига ўтади. Кучли заарланган барглар олачипор тус олади ва қурийди.

Касаллик эпифитотия шаклида ривожланганида помидорнинг гул ва мева бандлари, гулкосабарглари ва тугунчалари ҳам заарланади ва улар кейинчалик тўкилиб кетади. Касалликнинг энг кучайган даври мева пишиш пайтига тўғри келади. Мевалар устида бўртган, қаттиқ, зайдун рангли, моғор билан қопланган доғлар пайдо бўлади.



**12-расм. Помидор кладоспориози (*Cladosporium fulvum*)**

Зараарланған тұқымалар устида замбуруғ миллионлаб конидиялар ҳосил қиласы да касаллық улар ёрдамида тарқалады. Конидиялар ҳаво оқымлари, сув томчилари да ишчилар воситасыда тарқалады. Улар 6–34°C (оптимум 22–25°C) ҳарорат да 75–98% намликтада, ёруғлиқ кам ёки йүк пайтида (кечалари) үсады да баргларни заарлайды. Касаллық 20–27°C ҳаво ҳарорати да 90% дан юқори нисбий намлигиге жуда тез (соатлар ичидә) тарқалады да ривожланады. Намлик 60% дан пастлигига үсимликлар заарлана майды. Аммо қуруқ ҳавога жуда чидамлилиги учун, хұжайин үсимликті мавжуд бўлмаганида, конидиялар 10 ойдан кўп вақт давомида ҳаётчанлигини йўқотмайды.

Касаллик бошлангандан 1–1,5 ой ўтгач, помидор гуллашдан тұхтайди, мевалар үсиши жуда секинлашади. Касал үсімліклар соғломларидан 1–1,5 ой олдин қуриб қолади. Натижада, касаллик бошланиш даврига қараб, ҳосилдорлик 9,3% дан 96,5% гача пасаяді. Күпинча иссиқхоналарда 30–40% ва ундан ҳам күпроқ ҳосил йүқотилади.

**Агротехник кураш чорлари:** чидамли навлар яратыш ва құллаш; иссиқхоналарда алмашлаб әкишни йүлга қўйиш; ҳаво ҳарорати 24–25°C бўлишини (иложи бўлмаса 17–18°C дан пасаймаслигини) таъминлаб туриш, намлик 65–70% дан ошиб кетмаслиги учун уларни тез-тез шамоллатиш, үсімліктарнинг пастки баргларини иложи борича эртароқ юлиб олиб ташлаш, керагидан ортиқ ва босиб суформаслик; стеллажлар ва бошқа жиҳозларни хлорли оҳак эритмаси билан заарсизлантириш.

**Кимёвий кураш:** уруғликни әкишдан олдин самарали фунгицид (мисол учун, Витавакс 200 ФФ) билан дорилаш, чидамли нав әкиш ва үсиш даврида Байлетон 25% н.кук. (0,5–1,0 кг/га), Вектра 10% сус.к. (0,3 л/га), Топсин-М 70% н.кук. (1,0 кг/га), Фоликур БТ 22,5% эм.к. (0,3–0,5 л/га), 1% ли Бордо суюқлиги, мис оксихлориди, 90% нам. кук. (2,4 кг/га) ёки бошқа фунгицидлардан бирини пуркаш ёки сувга бензимида золларга чидамли бўлиб қолишини эсда тутиш лозим.

### III.5. ПОМИДОРНИНГ УН-ШУДРИНГ КАСАЛЛИГИ

**Помидорнинг ун-шудринг касаллиги** Ўзбекистонда деярли барча жойларда учрайди, аммо одатда кучли ривожланмайди. Қўзғатувчи замбуруғ – аскомицет *Leveillula taurica*. Касаллик помидорнинг пастки баргларининг устида сарик, четлари ноаниқ, кейинчалик қўнғир тус оловчи, баргларнинг остки томонида юпқа, оқ ёки оч кулранг, унсимон моғор ҳосил қилувчи доғлар шаклида намоён бўлади. Паст ҳаво нисбий намлиги ва 15–25°C ҳарорат ҳамда экин етарли суфорилмаслиги, касаллик кучли ривожланиши учун қулай шароит ҳисобланади.



**13-расм. Помидорнинг ун-шудринг касаллиги (*Leveillula taurica*).**

**Кураш чоралари.** Кураш чоралари одатда қўлланилмайди; касаллик кучли ривожланиши башорат қилинса, экинга олтингугурт кукуни ёки фунгицид пуркаш тавсия қилинади.

Бу касаллик иссиқхоналарда тарқалиши ва унинг иқтисодий аҳамияти ҳақида маълумот кам, аммо помидорда ун-шудринг касаллигига қарши бир нечта фунгицид рўйхатга олинган.

**Кимёвий кураш:** Лотос 10% эм.к. (т.э.м. пенконазол) 0,5 л/га, Топаз 10% эм.к. (т.э.м. пенконазол) 0,5 л/га, Энтопаз 10% эм.к. (т.э.м. пенконазол) 0,5 л/га, Байлетон 25% н.кук. (т.э.м. триадимефон) 1–4 кг/га.

### **III.6. БОДРИНГНИНГ УН-ШУДРИНГ КАСАЛЛИГИ**

Ун-шудринг Ўзбекистон ва бошқа Марказий Осиё мамлакатларида иссиқхона ва очиқ далаларда кенг тарқалган. Баргларнинг икки томонида ҳам оқ, сарғиш-қўнғир ёки қизғиш-кулранг, юпқа моғор қатлами, кейинчалик (мавсум сўнгидаги) уларнинг устида қорамтири нуқталар – клейстотецийлар ривожланади; барглар сарғаяди, сўнг-

ра құнғир тус олади ва қурийди. Мөғор баъзан үсімлик пояси ва барг бандларида, кам ҳолларда мевасида учрайди. Иссіқхоналарда уншудринг үсімликтарни уруғ-барг фазасидан бошлаб заарлайди.



**14-расм. Бодрингнинг ун-шудринг касаллиги.**

Патогеннинг конидиялари экин ичидә шамол билан тарқалади. Улар үсиши учун мұйтадил ҳарорат 25–27°C ни, намлиқ 50–90% ни ташкил этади, аммо замбуруғ ҳарорат 15–25°C ва намлиқ 20% бүлганида ҳам нам бүлмаган, қуруқ баргларни заарлай олади. Кам суфорилган экинларда касаллик кучаяди. Касалликнинг яширин даври иссиқхоналарда 3–4 кунни ташкил қылади ва замбуруғ ҳар 6 кунда бир авлод бериб күпаяди.

**Кураш чоралари.** Чидамли навлар яратиш ва құллаш; соғлом үсімликтардан олинган, пухта сараланган, самарали фунгицид билан дориланган уруғлик экиш; касаллик бошланиши билан экинга фунгицид, жумладан, Байлетон 25% н. кук. (0,2–0,6 кг/га), Каратан ЛЦ 50% әм. к. (0,5–1,0 л/га), Топсин-М 70% н. кук. (0,8–1,0 кг/га), коллоид

ёки н. күк. шаклидаги олтингугурт (2,0–4,0 кг/га), ООҚ (0,5–1,0 ли эритма) ва бошқаларни 1 ёки 2 марта пуркаш; иссиқхона деворлари, шифти, жиҳозлари ва тупроқни заарсизлантириш, ўсимликларни илиқ сув билан суғориш, шамоллатиб туриш (“Иссиқхона экинлари касалликлари билан кураш” бобига қаранг); иссиқхона ва даладан ўсимлик қолдиқларини йўқотиш, уларни бегона ўтлардан тоза ҳолда тутиш; далани чуқур кузги шудгор қилиш, алмашлаб экиш тавсия қилинади.

### III.7. СОХТА УН-ШУДРИНГ (ПЕРОНОСПОРОЗ)

Сохта ун-шудрингни *Peronoplasmodara cubensis* (синоними *Pseudoperonospora cubensis*) оомицет замбуруғи қўзғатади. Касалликка барча полиз экинлари мойил, аммо кўпинча бодринг ва мушк қовунга катта зарап етказади. Сохта ун-шудрингнинг Ўзбекистонда тарқалиши ҳақида адабиётда маълумотлар кам. ЎҲҚИ ходимлари кузатувларида (Ш.Т.Ходжаев) Фарғона водийсида иссиқхоналарда экиладиган бодрингда кенг тарқалганлиги аниқланган. Заарланган баргларда майда томирчалар ораларида жойлашган, серқирра оқиш доғлар пайдо бўлади, кейинроқ улар сарғаяди ёки қўнғир тус олади, барг олачипор бўлиб қолади.



**15-расм. Бодрингнинг сохта ун-шудринг касаллиги.**

Доғлар сүнгра бир-бирига құшилиб кетади ва құнғир тус олади. Баргнинг остки томонидаги доғлар устида майин оқиш ёки оч-кулранг мөфор қатлами ривожланади, юқори намлик шароитида бу қатлам кулранг, түк қызғиши ёки бинафша тус олади. Заараланган барглар қотиб, қуриб қолади. Кучли заараланган үсімшілдер баргларининг күпчилиги түкимилиб кетади, натижада ҳосил пасаяди. Касаллик ёмғир томчилари ва шамол орқали ҳамда ишчилар кийимлари ва асбоб-ускуна воситасида тарқалади. Юқори намлик ва нисбатан паст ҳарорат касаллик учун қулай ҳисобланади.

**Кураш чоралари** чидамли навлар яратыш ва қўллаш; уруғлини экишдан 2–3 ой олдин 40°C ҳароратда 8 соат давомида иситиш ва фунгицид билан дорилаш; ўсиш даврида маҳсус фунгицидлардан (1% ли Бордо суюқлиги; 0,4% ли мис хлороксид; Квадрис 25% сус.к., 0,4–0,6 л/га; Ридомил МЦ, 68% с.э.г., 2,5 кг/га; Строби 50% с.э.г. ёки 50% сус.к. 0,2–0,3 кг,л/га ва б.) бирини қўллашдан иборат.

## ФОЙДАЛАНИЛГАН АДАБИЁТЛАР

1. Абдувосиқова Л.А., Жумаев Р.А. Биоэкология видов трихограммии. // Актуальные проблемы современной науки. – № 2(99) 2018 г. – С 90–95.
2. Абеленцев Г.А., Попов П.В. Изучение плодовитости самок устойчивой к акарицидам популяции паутинного клеща //Химия в сельском хозяйстве. – М., 1970. – №27. – С.35–36.
3. Адашкевич Б.П. Методическое указание по выявлению местных видов трихограммы. Изд. МСХ.– Ташкент, 1978. – С. 6.
4. Адашкевич Б.П., Умарова Т.М. (Атамирзаева Т.М.), Сорокина Н.П. Виды энтомофага в Узбекистане//Ж. Защита растений. – Ташкент, 1987. – №5. – С. 34–37.
5. Адашкевич Б.П., Рашидов М.И. Хлопковая совка и ее энтомофаги на томатах в Узбекистане. Биологический метод борьбы с вредителями овощных культур. – Москва, 1989. – С.133–143.
6. Анорбаев А.Р. Трихограмма турлари (Ҳеменоптера, Тричограмматидае)нинг тунламлар сонини бошқаришдаги аҳамияти. Тошкент – 2016. – 14–18-бетлар.
7. Анорбаев А.Р., Кимсанбоев Х.Х., Эсонбаев Ш. Место биологического метода в интегрированной защите растений // Наука и молодёжь: Новые идеи и решения. 70-летию образования ВолГАУ посвящается. Материалы VIII Международной научно-практической конференции молодых исследователей. Часть 1. – Волгоград, 2014. – С. 192–196.
8. Бўриев Х.Ч., Кимсанбоев Х.Х., Сулаймонов Б.А. Биолаборатория-да энтомофагларни кўпайтириш. Услуб.қўлл. Ўқитувчи, – Тошкент, 2000, – 25–38-бетлар.
9. Жумаев Р.А. Биологические особенности развития яйцееда – трихограммы // “Аграр соҳани барқарор ривожлантиришда фан, таълим ва ишлаб чиқариш интеграцияси” Мавзусидаги профес-

- сор-ўқитувчи ва ёш олимларнинг. Илмий-амалий конференцияси материаллари тўплами. 30–31 май 2017 йил. 157–160-бетлар.
10. Жумаев Р.А. Сохранение и повышение биологических качественных показателей трихограммы при разведении ее в биолабораториях. // Научно-практические пути повышения экологической устойчивости и социально-экономическое обеспечение сельскохозяйственного производства международная научно-практическая конференция, посвящённая году экологии в России., с. Соленое займище. – 2017 г., – С. 639–643.
  11. Захаренко В.А. Тенденции изменения потерь урожая сельскохозяйственных культур от вредных сельскохозяйственных культур от вредных организмов в земледелии в условиях реформирования экономики России. Агрохимия, – М., 1997. №3. – С. 67–75.
  12. Кимсанбаев Х.Х., Сулаймонов Б.А., Анарбаев А.Р., Ортиков У.Д., Сулаймонов О.А., Жумаев Р.А., Ахмедова З.Ю. Биоценозда ўсимлик зааркунандалари паразит энтомофагларини ривожланиши. “Ўзбекистон” НМИУ, – Тошкент: 2016. – 235-б.
  13. Олимжонов Р.А. Энтомология. “Ўқитувчи”, – Тошкент. 1977. – Б. 233.
  14. Рашидов М.И. Интегрированная защита посленовых овощных культур от вредителей. Монография. – Ташкент, 2008. – С. 22.
  15. Сулаймонов Б.А., Жумаев Р.А., Кимсанбоев Х.Х. Ўсимлик биоценозда Лепидоптера туркуми вакиллари сонини бошқаришда хўжайн-паразит мувозанатини шаклланиши (Илмий монография) // “Ўзбекистон” НМИУ, – Тошкент: 2018. 180-б.
  16. Сухорученко Г.И., Смирнова А.А., Митрофанов В.Б и др. Рекомендации по рациональному чередованию инсектицидов, акарицидов и биопрепаратов в борьбе резистентными популяциями вредителей хлопчатника. ВИЗР. – Л., 1985. – С. 34.
  17. Сухорученко Г.И., Толстова Ю.С., Буркова Л.А. Преодоление резистентности вредителей сельскохозяйственных культур к пестицидам. Методические рекомендации. ВАСХНИЛ, – Москва, 1991. – С. 68.

ИССИКХОНА ЭКИНЛАРИ ЗАРАРЛИ ОРГАНИЗМЛАРИГА ҚАРШИ КУРАШ

**И 78**

Иссиқхона экинлари заарли организмларига қарши кураш [Матн]. – Ташкент: “ТАСВИР”, 2022. – 36 б.

**ISBN: 978-9943-7863-2-5**

**КБК 42.34**

**УЎК 631.236:632.935**

**Лойиҳа ғояси муаллифи ва ташкилотчиси “Агробанк” АТБ**

**40 китоб тўплами**

**ИССИҚХОНА ЭКИНЛАРИ ЗАРАРЛИ ОРГАНИЗМЛАРИГА  
ҚАРШИ КУРАШ**

**9-китоб**

**Мұхаррір**

Н. Гайипов

**Мусаххих**

Н. Гиясова

**Компьютерда тайёрловчилар:**  
И.Б. Ўлмасов, М.И. Муллажонов

**Дизайн**

Splendid Idea

“Тасвир” нашриёт уйи  
Тошкент – 2022

Нашриёт тасдиқномаси: № 7404, 02.02.2021.

Босишига 17.02.2022 да рухсат этилди.

Бичими 70x100  $\frac{1}{16}$ . ALS Agrofont гарнитураси.

Офсет босма усулида чоп этилди.

Адади 1000 нусха.

Буюртма рақами 434.

“Kolorpак” МЧЖ босмахонасида чоп этилди.

Тошкент шаҳар, Янги шаҳар кўчаси, 1<sup>А</sup>.

ISBN: 978-9943-7863-2-5



9 789943 786325